

*Exemplo Sponsi carpens, sibi seruet amica.
Hic verè felix, cui talis contigit uxor,
Quam virtus ornat, quaq; est pietatis amatrix.
Hoc tibi nil melius votis optare serenis,
Optime Sponse, queo: Domino pia vota ferenti
Æthereo, nescit quicquam pater ipse negare:
Hic etiam primus vos sic coniunxit amantes,
Mutuus & faciet multos quò duret in annos
Vester amor, promtè cœlestia iussa sequentes,
Sic erit alterutri mox rebus uterq; leuamen
In dubijs, quas propitijs DEVS ipse secundet.
Sponse Magisterij titulis & honoribus aucte,
Te Sponse facilis blandos tolerabis amores,
Erroresq; leues animo pensabis amico.
Te, pia sponsa, libens digno veneretur honore
Te solum studeat sibi demeruisse maritum.
Viuite concordēs & mente & corpore sani;
Hinc absint lites, cura tristesq; dolores.
Perturbet vestros non vlla querela penates,
Nil vobis desit, diues sit copia rerum
Vtilium semper, vita communis ad usum.*

*Hac supreme Deus, thalami sancitor & author
Da bona coniugibus, quæ vita caduca requirit.
Sic vos tranquilla comitentur commoda vita;
Quot folijs sylua, quot guttis æquor abundat,
Quot stellis aetherq;, favos & quot parit Hybla:
Tot vos perpetuæ fortunent dona salutis.
Hac precor, hac me a nunc pro te, Charissime, vota
Accipe, sim quamuis non notus ut Icarus undis,
Sub lare priuatoq; latens mea Musa quiescat.*

Casparus Bohemus Freiburg.